



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

V. Die Kaland-Brüderschaft in Teltow tritt dem Domcapitel in Brandenburg das Patronatsrecht und die Einkünfte eines Altars in der Marienkirche zu Berlin ab, im Jahre 1300.

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

V. Die Kalands-Brüderschaft in Teltow tritt dem Domcapitel in Brandenburg das Patronatrecht und die Einkünfte eines Altars in der Marienkirche zu Berlin ab, im Jahre 1300.

Arnoldus de Wilmerstorp, decanus Jacobus de Cziten, camerarius, Necnon fratres kalendarum in Teltow, Brandenburg. Dyocesis, Vniuersis et singulis tam presentibus quam futuris hanc literam inspecturis seu auditoris Cupimus fore notum, Quod cum per pestilencias, gweras, incendia, spolia et hostium incurfus possessiones et alia bona ad mensam Religiosorum virorum prepositi et capituli ecclesie Brandenburgensis spectantes et spectancia suis redditibus ceterisque prouentibus nimium sunt extenuata, prout eciam incessanter veraciter extenuantur, quod ipsi prepositus et canonici eiusdem ecclesie Brandenburgensis nequeant ibidem in necessarijs prouideri et alias absque penuria sustentari in diuini cultus in ipsa ecclesia non modicum detrimentum. Ne igitur diuinus cultus ibidem prolatur sed uberius et salubrius seruetur et peragatur, decet rerum ad diuinum cultum spectantium ita curam gerere, vt earum utilitas persistat et status ipsarum conseruetur, habitis super hiis inter nos et cum nonnullis quorum interest vel poterat quomodolibet interesse tractatibus sollempnibus et communibus ac deliberatione diligenti dictorum prepositi et canonicorum necessitate notoria exigente, ad honorem beatorum Petri et Pauli apostolorum dicte Brandenburgensis ecclesie patronorum et ad diuinum cultum in dicta ecclesia Brandenburg. seruandum et augendum et vt nos, nostri predecessores atque successores missarum, vigiliarum, diuinorum, offertorium, oracionum et aliorum honorum operum in eadem ecclesia per canonicos inibi degentes peragendorum participes efficiamur, ius patronatus altaris siti in ecclesia parochiali beate Marie virginis in Berlin dicte Brandenburg. dyocesis in honore beati Nicolai episcopi et confessoris consecrati, quod ad nos dinoscitur pertinere, et ipsum altare cum omnibus suis fructibus, redditibus, prouentibus, utilitatibus, iuribus et pertinencijs, singulis et vniuersis, vniformiter concedimus, damus et donamus donatione sollempni et quantum in nobis est, transferimus irreuocabiliter literas per presentes ad mensam dictorum prepositi, canonicorum et capituli in eorum augmentum alimentorum et necessariorum perpetuis temporibus deinceps pleno iure spectandum, habendum et in vsus ipsorum et ipsius mensae, prout eis visum fuerit expedire, conuertendum, Dantes et concedentes plenam, liberam et meram potestatem nostram reuerendis in christo patribus et dominis nostris episcopis Brandenburgensis ecclesie, qui pro tempore fuerint, quod predictum altare cum omnibus et singulis premissis vnire et annectere dictis preposito, canonicis, capitulo et mensae possint et valeant Ita, quod ipsius altaris nunc rectori ad eius vitam nullum per hoc prejudicium generetur; Ipso vero rectore defuncto per vnum de fratribus nostris kalendarum per prepositum dicte ecclesie ad hoc pro tempore deputandum, in diuinis deinceps salubriter deserviat. Renunciantes igitur in presenti litera simpliciter pro nobis et successoribus nostris ex nunc et in perpetuum iuri patronatus ipsius altaris et ipsi altari ac omnibus et singulis premissis et que in premissis omnibus et singulis hactenus dinoscimur habuisse et possent competere quomodolibet in futurum. In euident testimonium omnium et singulorum premissorum sigillum nostrorum Arnoldi de Wilmerstorp decani, Jacobi de Cziten camerarii ac fratrum kalendarum in Teltow predictorum presentibus duximus appendendum. Datum in opido Teltow, anno domini M. C. C. C.

Nach dem Original im Brandenburger Stifts-Archiv.